

華東民俗文獻 第十八卷

中國華東文獻叢書

中國華東文獻叢書·第四輯

華東民俗文獻

第十八卷

甘肅省古籍文獻整理編譯中心
中國華東文獻叢書編輯委員會 編

甘肅省古籍文獻整理編譯中心重大整理項目

本輯主編：田兆元

本輯副主編：吳平 李善強

參加編輯人員：雷偉平 楊茜 吳麗麗 馬佳

王 菲 劉捷 姜南 陳文軍

饒曉敏 楊曼 錢婷婷

本卷目錄

休寧碎事	〔清〕徐卓輯撰	〇〇三
歙行日記	〔清〕潘鐘瑞撰	四四九
歙間小引	〔清〕洪玉圖撰	五八三
涇縣鄉土記	〔清〕胡樸安著	五九三
涇縣方言考證	〔清〕胡樸安著	六〇一

【清】徐卓輯撰

休寧碎事

〔清〕徐卓輯，徐卓，安徽休寧人，生卒年不詳。另有著作《百岳記文》、《更漏中星表》。本書十二卷，廣輯資料，講述休寧人物，傳聞，軼事，風俗習慣。版本爲嘉慶十六年（公元一八一一年）徐氏海棠書巢刊本。

休寧碎事自序

匠氏持具入山于秀蔚蔥蒨中見千霄蔽
日者則斧之斯之畀以歸乎巨室其餘枓
者喬者枝而卷者幹而曲者宛童而無姑
者離奇而赤棟白棠者虎而鼯鼠而梓者
散材也而盡棄之匪棄也所得在大木斯
棄之矣邑志大木也碎事散材也枓也喬
也卷枝曲幹也宛童也無姑也赤棟白棠

也虎櫟鼠梓也補志之未逮可以資桑梓之談可以廣粉榆之見何嫌乎事之碎也譬彼大木之爲梁也而散材則爲椳爲榱爲窠矣大木之爲棟也而散材則爲榱爲閭爲交矣如必取其大木棄其散材無已請問諸持具之入山者

嘉慶庚午臘月十三夜荀牖徐卓自序於
海棠書巢中

休寧碎事

凡例

飢驅於僻壤矣安所得雞碑鼠獄搜羅遺聞而成海
內之奇書惟桑與梓一二佚事綜纂而考訂之對
鄉人說鄉語是亦兔園冊子一部

山川乎人物乎古蹟而新聞乎有珠皆采無璧不珍
零絲織之則爲錦剩紙剪之則爲花碎事也奚分
門別類爲

截其流不知其源芟其枝莫探其本松鱗歲月著書

苦心一概抹煞生平深恨之故每條直標其目不但美不敢掠兼且信而有徵將以嚆矢爲他日修志地

事辭貴稱不尚浮夸行狀銘傳中取其事實繁文則刪之疵句則潤之雖嫌點金頗費攻玉諒我苦心可耳

戴志未行無由寓目惟以廖志爲主遇一人一事必徹底查對未收者始補錄之日聚生徒無能爲役惟五夜一燈時加搜討閱書千幾百部纂輯十有

二月樂此不疲每至雞鳴漏盡時

鄉賢達往矣泰山北斗時深仰止直書其名褻甚然
載之于書竊附臨文不諱之義至芻蕘一得加按
字以別之敢矜華妙乎

奇事異說各有所嗜惟畔道者不敢採錄亦寓隱揚
之義而紀載年代不無先後易序隨筆輒書非必
因此有軒輊焉

設我枌榆災彼梨棗資斧維艱村學究破却三年束
脯矣二集告成尚俟館穀有餘行將剞劂微顯聞

休寧碎事

二二

幽斯固僕之所矢願也

荀牖徐卓識



休寧碎事卷之一

荀牖徐卓犖生輯

新安烈節最多一邑當他省之半而休寧孝女胡壽英
因兄亡乃孝養父母終身不嫁至六十而卒葬二親側
尤稱奇女焉

寄園寄所寄

明初休寧汪彥光彥禮兄弟翕睦光五男禮僅二男父
遺貲厚將析箸禮曰吾兄弟平分吾兒信有餘五姪薄
矣請七分之里人高其義

居家金鏡

休寧邵大維嘗索逋江右附孤舟雨夜泊鄱湖僻處四

休寧碎事卷之一

二

無人煙舟子貌甚不良邵懼佯以失物呼舟子秉燭盡

檢箱篋遂得無恙

嘯虹筆記

有失鴨數十者控於休寧廖令騰燧廖曰近有來求鬻而未遂者乎曰有金姓人曾來踪跡之鴨具在金強辨不服廖悉取兩家鴨雜於堂命各呼之金呼之不應失鴨者以竹竿呼果成羣而走且曰吾鴨有火絡印左掌驗之果然其中一鴨不應呼且無掌印金執以狡辨廖曰爾積竊也懼人覺故買一他鴨雜其中耳金赧服責而還之

海陽紀畧

休寧汪耐菴曾拜靖南侯門下高傑引兵爭揚州公從
靖南侯飲盤列生蔬肩割啖之帳下驍將能飲者以次
坐人浮巨觴有邱總兵弟守備辭不能飲侯怒欲杖之
總兵目公公大笑侯問故曰生笑邱守備腿不及杖粗
也侯笑而止

柳軒叢談

程篁墩總角時與老僧叅禪問何許人曰江南僧曰江
南草木耳程曰草木之中惟吾獨秀僧曰擇其秀者伐
之程曰伐爲皇家作棟梁僧詞窘遂罵曰進三步必死
退三步必亡程曰橫行三步又何妨僧遂瞑逝

萬壽閣
偶談

休寧碎事卷之一

二